

四庫全書

集部

# 欽定四庫全書

集部

漢魏六朝百三家集卷五十八

詳校官庶吉士臣謝恭銘

主事銜臣徐以坤覆勘

總校官檢討臣何思鈞

校對官編修臣吳舒帷

膳錄監生臣黃鑫

欽定四庫全書

漢魏六朝百三家集卷五十八

晉王羲之集題詞

殷洪源與桓溫不協王逸少移書苦諫欲畫廉  
蘭于屏風又曲止北伐皆不見聽果敗於姚襄  
謝豫州邁往不屑才非將帥遠逸少之言後亦  
狼狽世謂其形神在名山滄海之間于天下事  
抑何觀火也瑯琊南渡江左粗安王謝雖賢未

敢以區區吳越經緯天下褚裒殷浩志奢才短  
動而輒蹶若復不守江東遠慕諸葛伍員之憂  
為期彌促卒觀喪晉釁發強臣非繇外寇逸少  
早識善察百年此數札者誠東晉君臣之良藥  
非同平原辨亡令升論晉追覽既往奮其縱橫  
也蘭亭詠詩韻勝金谷誓墓不出義取老氏與  
謝萬書言山水弋釣拊掌開懷又教子孫退讓  
彷彿萬石絲竹陶寫恐為兒輩覺則樂而能節

矣史云逸少與藍田牴牾愧歎謝病猶逐翰音  
而未覩登天者也書法冠古今飄雲矯龍亦藝  
成之一後人實其筆勢聚字成帖間有斷缺尚  
圖球奉之誤正可思蓋在是乎

目錄

書

遺殷浩書

報殷浩書

與會稽王牋

與尚書僕射謝安書

與謝安書

又

與桓溫牋

誠謝萬書

與謝萬書

與人書

又

章草帖

與所知書

飛白帖

又

又

辭舉帖

辭郡帖

恭命帖

殊遇帖

會稽帖

此郡帖

上虞縣事帖

又

又

諸暨帖



餘姚帖

軍府帖

湖熟帖

郡荒帖

斷酒帖

又

奉法帖

簿書帖

增運帖

又

防民帖

深情帖

從宜帖

玄同帖

誠理帖

資生帖

慕容帖

渭南帖

方軌帖

羣凶帖

送袍帖

志嶠帖

叱聲帖

又

給船帖

功曹帖

發詔帖

軍使帖

仲舒帖

尚書帖

又

荀葛帖

文集帖

歌章帖

戲詠帖

月儀書

十七帖

又

又

又

又

又

又

又

又

又

又

又

又 又 又 又 又 又 又 又

又

又

又

又

又

又

又

桓公帖



又

又

又

又

又

又

雲子帖

又

又

又

安西帖

又

又

又

又

又

庚丹陽帖

又

丹陽帖

又

又

又

殷侯帖

又

又

又

又

又

又

又

又

彭祖帖

袁彭祖帖

孔建安帖

與郝家論婚書

漢魏六朝百三家集卷五十八目錄

欽定四庫全書

漢魏六朝百三家集卷五十八

明 張溥 輯

晉王羲之集

書

遺敕浩書

浩揚州刺史參綜朝權與桓溫不協羲之以  
國家之安在於內外和因與浩書戒之浩不  
從及浩將北伐羲之以為必敗以書止之言  
甚切至浩遂行果為姚襄所敗復圖再舉仍

遺浩書先是安西將  
軍謝尚為督統敗績

知安西敗喪公私惋怛不能須臾去懷以區區江左所  
營綜如此天下寒心固以久矣而加之敗喪此可熟念  
往事宜復可追願思弘將來令天下寄命有所自隆中  
興之業政以道勝寬和為本力爭武功作非所當因循  
所長以固大業想識其由來也自寇亂以來處内外之  
任者未有深謀遠慮括囊至計而疲竭根本各從所志  
竟無一功可論一事可記忠言嘉謀棄而莫用遂令天



下將有土崩之勢何能不痛心悲慨也任其事者宜得  
辭四海之責追咎往事亦何所復及宜更虛已求賢當  
與有識共之不可復令忠允之言常屈於當權今軍破  
於外資竭於內保淮之志非復所及莫過還保長江都  
督將各復舊鎮自長江以外羈縻而已任國鈞者引咎  
責躬深自貶降以謝百姓更與朝賢思布平正除其煩  
苛省其賦役與百姓更始庶可以允塞羣望救倒懸之  
急使君起於布衣任天下之重尚德之舉未能事事允

稱當重統之任而喪敗至此恐闔朝羣賢未有與人分  
其謫者今亟修德補闕廣延羣賢與之分任尚未知獲  
濟所期若猶以前事為未工故復求之於分外宇宙雖  
廣自容何所知言不必用或取怨執政然當情慨所在  
正自不能不盡懷極言若必親征未達此旨果行者愚  
智所不解也願復與衆共之復被州符增運千石徵役  
兼至皆以軍期對之喪氣罔知所厝自頃年割剝遺黎  
刑徒竟路殆同秦政惟未加慘夷之刑耳恐勝廣之憂

無復日矣

北堂書鈔載羲之與浩書  
下官勸令畫廉簡於屏風

### 報殷浩書

吾素自無廊廟直王丞相時果欲內吾誓不許之手跡  
猶存由來尚矣不於足下叅政而方進退自兒婚女嫁  
便懷尚子平之志數與親知言之非一日也若蒙驅使  
關隴巴蜀皆所不辭吾雖無專對之能直謹守時命宣  
國家威德固當不同於凡使必令遠近咸知朝廷留心  
於無外此所益殊不同居護軍也漢末使太傅馬日磾

慰撫關東若不以吾輕微無所為疑宜及冬初以行吾  
惟恭以待命

與會稽王牋

簡文帝初為會稽王輔政義之與  
王牋陳殷浩不宜北伐并論時事

古人耻其君不為堯舜北面之道豈不願尊其所事比  
隆往代况遇千載一時之運顧智力屈於當年何得不  
權輕重而處之也今雖有可欣之會內求諸已而所憂  
乃重於所欣傳云自非聖人外寧必有內憂今外不寧

內憂已深古之弘大業者或不謀於衆傾國以濟一時之功者亦往往而有之誠獨運之明足以邁衆斲勞之弊終獲永逸者可也求之於今可得擬議乎夫廟算決勝必宜審量彼我萬全而後動功就之日便當因其衆而即其實今功未可期而遺黎殲盡萬不餘一且千里饋糧自古為難况今轉運供繼西輸許洛北入黃河雖秦政之弊未至於此而十室之憂便以交至今運無還期徵求日重以區區吳越經緯天下十分之九不亡何

待而不度德量力不弊不已此封內所痛心歎悼而莫敢吐誠往者不可諫來者猶可追願殿下更垂三思解而更張令殷浩荀羨還據合肥廣陵許昌譙郡梁彭城諸軍皆還保淮為不可勝之基須根立勢舉謀之未晚此實當今策之上者若不行此社稷之憂可計日而待安危之機易於反掌考之虛實著於目前願運獨斷之明定之於一朝也地淺而言深豈不知其未易然古人處閭閻行陣之間尚或干時謀國評裁者不以為譏况

廁大臣未行豈可默而不言哉存亡所係決在行之不可復持疑後機不定之於此後欲悔之亦無及也殿下德冠宇內以公室輔朝最可直道行之致隆當年而未允物望受殊遇者所以寤寐長歎實為殿下惜之國家之慮深矣常恐伍員之憂不獨在昔麋鹿之游將不止林藪而已願殿下鑒廢虛遠之懷以救倒懸之急可謂以亡為存轉禍為福則宗廟之慶四海有賴矣

與尚書僕射謝安書

義之為會稽時東土饑荒輒開倉賑貸朝廷賦役繁重吳會尤甚義之每上疏爭之事多見從

又與  
安書

頃所陳論每蒙允納所以令下小得蘇息各安其業若不耳此一郡久以蹈東海矣今事之大者未布漕運是也吾意望朝廷可申下定期委之所司勿復催下但當歲終考其殿最長吏尤殿命檻車送詣天臺三縣不舉二千石必免或可左降令在疆塞極難之地又自吾到此從事常有四五兼以臺司及都水御史行臺文符如



雨倒錯違背不復可知吾又瞑目循常推前取重者及  
綱紀輕者在五曹主者涖事未嘗得十日吏民趨走功  
費萬計卿方任其重可徐尋所言江左平日揚州一良  
刺史便足統之況以羣才而更不理正由為法不一牽  
制者衆思簡而易從便足以保守成業倉督監耗盜官  
米動以萬計吾謂誅剪一人其後便斷而時意不同近  
檢校諸縣無不皆爾餘姚近十萬斛重歛以資姦吏令  
國用空乏良可歎也自軍興以來征役及充運死亡叛

散不反者衆虛耗至此而補代循常所在凋困莫知所  
出上命所差上道多叛則吏及叛者席卷同去又有常  
制輒令其家及同伍課捕課捕不禽家及同伍尋復亡  
叛百姓流亡戶口日減其源在此又有百工醫寺死亡  
絕滅家戶空盡差代無所上命不絕事起或十年十五  
年彈舉獲罪無懈怠而無益實事何以堪之謂自今諸  
死罪原輕者及五歲刑可以充此其減死者可長充兵  
役五歲者可充褫工醫寺皆令移其家以實都邑都邑

既實是政之本又可絕其亡叛不移其家逃亡之患復如初耳今除罪而充祿役盡移其家小人愚迷或以為重於殺戮可以絕姦刑名雖輕懲肅實重宜非適時之宜邪

與謝安書

知君嘗得小笙笙是名器往聞者若令諸君聞之皆當可不言而云見今笙者皆不以為佳恐是不能好也

又

復與君此章草所得極不為少而筆至惡殊不稱意

與謝安書

蜀中山水如峨眉山夏含霜電碑板之所聞崑崙之伯

仲也

楊云逸少慕蜀中山水之奇見於與周益州及謝東山書不一而足然竟不遂其雅志山水於高入

亦有緣及限耶

蜀中舊有石刻今亡見峨眉山故志輿地志山水作山川峨眉山作岷山

與桓溫箋

萬再遷豫州刺史領淮南太守監司豫冀并四州軍事義之與溫箋又與萬書溫不從萬果敗

世說萬壽春敗後還書與右軍云慙負宿顧右軍答書曰此禹湯之戒

謝萬才流經通處廊廟叅諷議故是後來一罷而今屈其邁往之氣以俯順荒餘近是違才易務矣一作秀

### 誠謝萬書

萬為豫州都督義之遺書誠之萬不能用既受任北伐矜豪傲物兵潰被廢

以君邁往不屑之韻而俯同羣辟誠難為意也然所謂通識正自當隨事行藏乃為遠耳願君每與士之下者同則盡善矣食不二味居不重席此復何有而古人以為美談濟否所由實在積小以致高大君其存之羣辟通鑑

作羣碎每與士卒之下者同甘苦則盡善矣

與吏部郎謝萬書

萬字萬石安之弟

義之與王述齊名而志尚不同兩不相能述為會稽以母喪居郡境義之代為郡累年止一吊竟不顧述及述為揚州刺史檢校會稽求其得失主者疲於課對義之耻慨遂稱疾去郡於父母墓前自誓不復仕朝廷以其誓苦亦不復徵之與東土人士窮諸名山汎滄海優游無事弋釣為娛與萬書

古之辭世者或被髮佯狂或污身穢跡可謂艱矣今僕坐而獲免遂其宿心其為慶幸宜非天賜違天不祥項

東游還修植桑果今盛敷榮率諸子抱弱孫游觀其間  
有一味之甘割而分之以娛目前雖植德無殊邈猶欲  
教養子孫以敦厚還讓戒以輕薄庶令舉策數馬彷彿  
萬石之風君謂此何如此當與安石東游山海并行田  
視地利頗養閑曠衣食之餘欲與親知時共歡譙雖不  
能興言高詠銜杯引滿語田里所行故以為撫掌之資  
其為得意可勝言耶常依陸賈班嗣楊王孫之處世甚  
欲希風數子老夫志願盡於此矣

閑曠晉書作閑暇此  
矣作此也 法書要

錄載云老夫志願盡於此也君竊此當有二言不真所謂賢者志於大不肖志其小無緣見君故悉心而言以當一面何如下要錄有重熙去視作盡曠作暇容齊隨筆云逸少蓋溫太真蔡謨謝安石一等人也直以抗懷物外不為人役故功名成就無一可言其操履識見議論閎卓當世亦少其比而為書名所蓋後世但以翰墨稱藝之為累大哉

與人書

羲之每自稱我書比鍾繇當抗行  
比張芝草猶當鴈行也曾與人書

張芝臨池學書池水盡黑使人眈之若是未必後之也  
法書要錄載王右軍自論書吾書比之鍾張當抗行或謂過之張草猶當鴈行張精熟過人臨池學書池水盡



墨若吾耽之若此未必謝之 楊云由此觀之右軍之  
聖於書亦由積習苦學而能也 今有妄男子師心狂塗  
信手繆繞以誑愚俗而張虛名使右軍家  
奴有靈必見笑於地下矣豈復有書乎

又

君學書有意今相與草書一卷

張懷瓘書斷云右軍草  
隸八分飛白章行備精

諸體自成一家千變萬化得之神功 唐張彥遠法書  
要錄右軍書記至四百六十五帖其中如蘭亭之屬多  
非書記淳化帖所載亦僅什一蓋諸蹟未  
初已散逸矣今與閣帖各以類次于後

### 章草帖

皇象章草旨信送之勿勿當付良信

楊云旨信送之答  
其人來旨欲信送

之也勿勿當付良信言此際勿遽不暇後當付良使也  
信即使也今法帖作勿三非宋太宗淳化中命中書  
王著集古法書為閣帖右軍父子五卷此前有法書要  
錄其後有建中靖國淳熙續帖清華閣寶晉齋書史東  
觀餘論里秀萬王之屬今各類從淳  
化復注次第以便臨撫訛脫仍舊

### 與所知書

王獻之好書觸遇造玄當日戲北館取掃帚沾  
泥汁中以書壁作方丈一字曉暖雙臺極有好  
勢羲之見而歎其美問誰作答  
曰七郎羲之於是作書與所知

子敬飛白大有意

圖書會粹載云子敬飛白大有直  
楊云父稱子字亦晉人然鼎按後漢

曹大家女誠述其子曹成之字曰子穀張母呼其子張  
邵之字曰元伯豈有望耶則漢時母固有稱子字者而

量錯父呼  
子為公

飛白帖

省飛白乃致佳造次尋之乃欲窮本無論小進也稱此  
將青於藍

又

致此四紙飛白以為何似能學不

又

飛白不能乃佳意乃篤好此書至難或作復與卿

楊用修注

云右軍飛白妙絕今古今不可見矣臨池之士亦不知  
飛白何體也惟唐順陵碑文中有數字可覩古跡鼎按  
齊蕭子良古今書體云飛白書熹平年治鴻都門於時  
蔡邕方撰聖皇篇梁庾元威論書云張芝始作一筆飛  
白書

辭舉帖

此下並右軍論事  
諸帖不詳何與

前得君書即有反想至也謂君前書是戲言耳亦或謂  
君當是舉不失親在安石耳省君今示頗知如何老僕  
之懷謂君體之方復致斯言愧誠心之不著若僕世懷  
不盡前者自當端坐觀時直方其道或將為世大明耶

政有救其弊

缺

算之熟悉不因放恕之會得期於奉身

而退良有已良有已此共得之心不待多言又餘年幾何而逝者相尋此最所懷之重者頃勞藥石之資如有萬一方欲思盡願養過此以往未之敢聞言盡於今也

辭郡帖

義之嘗請為宣城朝廷不許因為會稽內史

篤不喜見客篤不堪煩事此自死不可化而人理所重如此都郡江東所聚自非復弱幹所堪足下未知之耳給領與卿同殊為過差交人士因開門以勉待之無所

復言

恭命帖

六日昨書信未得去時尋復逼或謂不可以不恭命遂不獲已處世之道盡矣何所復言

殊遇帖

羲之死罪復蒙殊遇求之本心公私愧歎無言以喻去月十一日發都違遠朝廷親舊乖離情懸兼至良不可言且轉遠非徒無諮覲之由音問轉復難通情慨深矣

故旨遣承問還願具告義之死罪

會稽帖

會稽亦復與選論卿否吾誠勅勅於論事然於弟尚不  
惜小宜謂選官前意已佳可不復煩重卿更思必謂宜  
論者必有違矣

此郡帖

此郡之弊不謂頗至於此諸逋滯非復一條獨坐不知  
何以為治自非常才所濟吾無故舍逸而就勞歎恨無

所復及耳夏人事請託亦所未免小却冀得小差項日

當何理

米云蘇耆書畫記述此帖與內史王述書黃伯思云非也逸少與藍田方隙而為屬郡既檢察

苛急主者疲於課對正救過不暇豈復尺牘間自彰其通滯哉此帖官本傳摹甚失真如以就勞為能勞小却為小都皆轉失草法也免一作見劉次莊作忽項作須

上虞縣事帖

賊以還不知遇官軍云何可深憂之欲依上虞初到別上今勅聽之縣事不同直不相連耳

又



近所示欲依上虞別上申一期尋案臺報不聽上當戮力於事不可但復解散君縣乃是今勝縣而復以為難耶

又此似即  
言前事

知足下以界內有此事便欲去縣宜有此理此縣弊久因足下始有次第耳便當息意今勅諸處事及縣者馳書於臺中論必釋然故遣旨信示意

諸登帖

諸暨始寧屬事自可得如教丹陽意簡而理通屬所無  
復逮錄之煩為佳想君不復須言謝丹陽亦云此語君

餘姚帖

足下所欲餘姚地輒勅驗所須輒告

軍府帖

此三項田樂吳舊耳云卿軍府甚多田也宜須一用心  
吏可差次忠良

湖孰帖

吾湖孰縣須水田卿都可遣僦之墓不知處去年僦之者似是俞進可問之卿不出停此

郡荒帖

知郡荒吾前東周旋五千里所在皆爾可歎江東自有大頓勢不知何方以救其弊民事自欲歎復為意卿示聊及

斷酒帖

斷酒事終不見許然守之尚堅弟亦當思同此懷此郡

斷酒一年所省百餘萬斛米乃過於租此救民命當可  
勝言近復重論相賞有理卿可復論

又

百姓之命

闕

倒懸吾夙夜憂此時既不能開倉庾賑

之因斷酒以救民命有何不可而刑猶至此使人歎息  
吾復何在便可放之其罰譴之制宜嚴重可如治日每  
知卿同在民之主

奉法帖

省示知足下奉法轉到勝理極此此散蕩滌塵垢研遣  
滯累可謂盡矣無以復加漆園比之殊誕謾如下言也  
吾所奉設教意政同但為形跡小異耳方欲盡心此事  
所以重增辭世之篤今雖形係於俗誠心終日常在於  
此足下試觀其終

簿書帖

恐有簿書之煩益屬所事可立制縣不給下貧而給饒  
有之家開令治國別許為盛田不平者嚴制如此事省

而虛實可知其或非所樂而絕付給者今為不賦得里人遂安黃籍前年皆斯人非復一條可歎今便獨坐令白郝侯求官邈等想必可得君亦當得見書若萬一不樂想可共思得州數十家見經營不爾無坐此理也別當以具慰深共思不待煩言

增運帖

增運白米來者云必行此無所復云吾於時地甚疏卑致言誠不易然以在大臣之末要為居時任豈可坐視

危難今便極言於相并與殷謝書皆封示卿勿廣宣之  
諸人皆謂盡當今事宜直恐不能行耳足下亦不可思  
致若言耶人之至誠故當有所回不爾坐待死亡耳

然下

有太老子三字

又

知數致苦言於相時弊亦何可不耳頗得應對不吾書  
未被答得桓護軍書云口米增運皆當停為善

防民帖

行當是防民流逸不以為利耶此於郡為由上守郡更  
尋詳若不由上命而斷中求絕者此為以利卿絕之是  
也縱民所之恐有如向者流散之患可無善詳具聞  
帖民作臣不以作不當  
上守郡作耶斷作郎

深情帖

省足下前後書未嘗不憂欲與事地相與有深情者何  
能不恨然古人云行其道忘其為身真卿今日之謂政  
自當豁其胷懷然得公平政直耳未能忘已便自不得



行然此皆在足下懷願卿為復廣求於衆所悟故多之

高言次  
何能不

從宜帖

省告一一足下此舉由來吾所具卿所云皆是情言然  
權事慮之重則當廢情以從宜非書所悉見卿一一

玄同帖

論亦不能佳體懷省無所乏然卿供給人士及使役吏  
人論者亦謂大任意在世中政自不得不小俯仰同異

卿復為意卿此懷亦當玄同不能勉人耳

誠理帖

知以智之所無奈何不復稍憂此誠理也然缺之懷

何能已已乎未能得面書何所悉

恒深得近期雙還故因款初日月

資生帖

上方寬博多通資生有十備之覺是所委息乃有南眷情足謂何以密示一勿宣此意為與卿共思之省以付

火

慕容帖

諸人十二日書云慕容乃抄梁下得數缺目下疾疫非常乃以至京極有傷此憂之下者想君勤勤之

渭南帖

二十三日發至長安云渭南患無他然云符健衆尚七萬苟及最近雖衆由匹夫耳即今尅此一段不知歲終云何守之想勝才弘之自當有方耳

方軌帖

賊勢可見此云方軌萬萬如志但守之尚足令智者勞心此回書恒懷湯火處世不易豈惟公道

羣凶帖

卿事時了甚快羣凶日夕云云此使鄴下一日為戰場極令人惆悵豈復有慶年之樂耶思卿一面無緣可歎可歎

送袍帖

可委行使耶遲還具問亦以與尚書諮懷今復遣諮吳

興也

志嶠帖

良深路滯久矣况今季末無所多恠足荒何卹於此足  
下志嶠外有由來及然以勢觀之卿入貴於不令耳書  
政當爾王羲之白

此聲帖

吾為卿任此聲者但此懷自不復得闕之於時

又

十四日諸問如昨云西有伐蜀意復是大事速送袍來

給船帖

君欲船輒勅給所須告之

功曹帖

省告攝功曹事一一屬以所求寬通廢守命必欲肅之  
是以間意其志既立不得不必行

發詔帖

遂當發詔催吾帝王之命是何等事而辱在草澤憂歎

之懷當復何言見足下一

軍使帖

直遣軍使者可各差十五人耶合三十人足周事

仲舒帖

足下似有董仲舒開閉陰陽法可勅令料付不雨憂之

深珍重

缺

謝二侯

尚書帖

見尚書一二日遣信以具必宜有行者情事恐不足下當

為遠慮不可計目前

又

所欲論事今付

荀葛帖

義之死罪荀葛各一國佐命宗臣觀其轍迹實奇士也  
然荀獲譏於憂卒意長恨恨謂其弘濟之心宜被大道  
諸葛經國達治吾無間然處事而無玷累獲全名於數代  
至於建鼎足之勢未能忘已所謂命世大才以天下為



心者容得爾乎前試論意久欲呈多疾憤憤遂忘致今  
送願因暇日可垂試省大期賢達興廢之道不審謂粗  
得阡陌不

文集帖

比日尋省卿文集雖不能悉周徧尋翫以為佳者名固  
不虛序述高士所傳小有異同見卿一一問應止楊王  
孫前以共及意同可誠述叙之耶暇日無為想不忘之  
歌章帖

歌章輒付卿或有寫書人者可寫一道與吾也

戲詠帖

得君戲詠承念至此年乃未見

月儀書

此似元會詩之屬當非書  
牋也與索靖月儀帖不同

日往月來元正晉祚太簇告辰徽陽始布罄無不宜和

神養素

十七帖

張彥遠法書要錄右軍書記云十七帖長一丈  
二尺即貞觀中內本一百七行九百四十二字

是烜赫著名帖也十七帖者以卷首有十七日  
字故號之二王書後人亦有內一句稍異者標  
為帖名大約多取卷首三兩字及帖首三兩字  
也黃伯思云當時書卷首帖有十七日字故  
諸帖總謂之十七耳非帖數也本二十七條今  
官法帖有其十五散真逸少書三卷中又續法  
帖有五而邛竹杖熙布衣漢講堂諸葛顒天鼠  
膏四果種虞安吉七條不載當是亡軼而世有  
完卷者傳模殊精非此比也此卷有帖云周益  
州送此邛竹杖云云案十七帖有云去夏足下  
致邛竹杖云云以前帖觀之即知此帖蓋與周  
益州矣自昔相傳十七帖乃逸少與蜀太守者  
未必盡然然其中間蜀事為多是亦應皆與周  
益州書也但來禽一帖則或以為與桓溫而已  
本朝僧邦者有寄李昌武翰林詩云來禽簡寄  
桓宣武不知何據案此帖有云今在田里惟以

此為事足下致此子者大患也逸少視桓公位殊遼絕與書不當爾耳然當時真長子猷輩猶嫌侮桓公彼亦能容逸少作書若交友蓋無足怪溫飛卿詩云畫圖驚畏獸書帖得來禽此帖垂寶非一世也按周撫永和三年為益州刺史有惠政見成都古今記據黃則十七帖悉與周益州書矣內如來居龍保六日胡母從妹等竝不似與周書六日帖叔當西耶語猶非類楊用修四川總志載七十邛竹諸葛顯燕周山川諸奇講堂嚴君平鹽井八帖為與周益州亦以八帖皆論益州故實耳要錄所載數止二十而無魚布衣邛竹杖七十胡母鹽井五條君服食久合積雪凝寒嚴君平併燕周為一帖今傳十七帖講堂以後竝闕然右軍法書此最先出故仍舊統題十七帖若淳化長沙二王有帖名者附往各下宋云闕杞嘗謂余曰昔越州一寺

修佛殿於梁拱內藏一函古模數十本所可記者王右軍十七帖虞世南枕臥等帖皆有儲氏圖書印黃亦云十七帖必多臨本永禪師及虞世南褚庭誨臨字皆不甚遠故世有數本皆不同此帖全是庭誨筆意

十七日先書郝司馬未去即日得足下書為慰先書以

具示復數字

復一在以下

又

吾前柬粗足作佳觀吾為逸民之懷久矣足下何以方復及此似夢中語耶無緣言面為歎書何能悉

方一作等二

王帖云新安所刻至數字而止自吾前東粗足作佳觀  
以下自為四行恐是二帖然他本皆合為一長沙帖又  
誤併來  
居一帖

又

瞻近無緣省告但有悲歎足下小大悉平安也云卿當  
來居此喜慰不可言想必果言告有期耳亦度卿當不  
居京此既僻又節氣佳是以欣卿來也此信旨還具示  
問  
告一竝作苦僻案刻是避字要錄作僻或刻傳久小  
誤耳二王帖云避與僻皆與辟通用非也避安可通  
辟

又

龍保等平安也謝之甚速見卿舅可早至為簡隔也早疑

是耳見下有之  
字無卿舅以下

又

今往絲布單衣財一端示致意

又尺牘作與  
周益州

足下今年政七十耶知體氣常佳此大慶也想復懃加  
頤養吾年垂耳順推之人理得爾以為厚幸但恐前路

轉欲逼耳以爾要欲一游目汶領非復常言足下但當  
保護以俟此期勿謂虛言得果此緣一段奇事也

楊云汶古

岷字見史記

又

省別具足下小大問為慰多分張念足下懸情武昌諸  
子亦多遠宦足下兼懷竝數問不老婦項疾篤救命恒  
憂慮餘粗平安知足下情至

又



六日知足下行至吳念違離不可居叔當西耶遲知問  
淳化帖離不可居  
叔當西耶遲知問

又

計與足下別二十六年於今雖時書問不解濶懷省足  
下先後二書但增歎慨項積雪凝寒五十年中所無想  
頃如常冀來夏秋間或復得足下問耳比者悠悠如何  
可言

又

吾服食久猶為劣劣大都此之年時為復可耳足下保  
愛為上臨書但有惆悵淳化帖愛為上臨書但有  
惆悵知足下行至吳念遠

又尺牘作答  
周益州

去夏得足下致叩竹杖皆至此士人多有尊老者皆即  
分布令知足下遠惠之至叩山在蜀生竹高節  
可作杖見張騫傳

又

旦夕都邑動靜清和想足下使還具時州將桓公告慰  
情企足下數使命也謝無奕外任數書問無他仁祖日

往言尋悲酸如何可言

又

諸從竝數有問粗平安唯修載在遠音問不數懸情司  
州疾篤不果西公私可恨足下所云皆盡事勢吾無間  
然諸問想足下別具不復乙乙

乙乙一作具

又

胡母氏從妹平安故在永興居去此七十也吾在官諸  
理極差項比復勿勿來示云與其婢問來信

缺不得也

又

得足下旃罽胡桃藥二種知足下至戎鹽乃要也是服食所須知足下謂須服食方回近之未許吾此志知我

者希此有成言無緣見卿以當一笑

須一作頃

又

省足下別疏具彼土山川諸奇揚雄蜀都左太冲三都殊為不備悉彼故為多奇益令其游目意足也可得果當告卿求迎少人足耳至時示意遲此期真以日為歲

想足下鎮彼土未有動理耳要欲及卿在彼登汶領峨  
眉而旋實不朽之盛事但言此心以馳於彼矣

迎一作  
近又作

進

又

知有漢時講堂在是漢和帝時立此知畫三皇五帝以  
來備有畫又精妙甚可觀也彼有能畫者不欲因摹取  
當可得不須具告

又

云譙周有孫高尚不出今為所在其人有以副此志不

令人依依足下具示

淳化無為所  
在至志十字

又

淳化及要錄  
合譙周一帖

嚴君平司馬相如揚子雲皆有後否

大觀帖  
米云真

又

天鼠膏治耳聾有驗不有驗者乃是要藥

又

朱處仁今何在往得其書信遂不取答今因足下答其

書可令必達

黃云謂昔嘗得其書而信人竟不取報書世俗遂誤讀為往得其書信殊不知信者

乃使人也

又

往在都見諸葛顯曾具問蜀中事云成都城池門屋樓觀皆是秦時司馬錯所修令人遠想慨然為爾不信一示為欲廣異聞

又

彼鹽井火井皆有不足下目見不為欲廣異聞具示

又二王帖足下所  
疏別為一帖

青李來禽櫻桃日給藤子皆囊盛為佳函封多不生足  
下所疏云此果佳可為致子當種之此種彼胡桃皆生  
也吾篤喜種果今在田里惟以此為事故遠及足下致  
此子者大惠也黃伯思跋唐摹十七帖云予嘗見畢文  
將叔云家有唐初人所摹此帖來禽等  
四物外又有密蒙華一種故先相文簡公答王黃門寄  
密蒙華詩云多病眼昏書懶讀煩君遠寄密蒙華愁無  
內史詞兼筆為覺真方到海涯今諸  
本並無此一種法書要錄亦不載

又



後所須此藥艸可示當致

又薦虞安  
吉帖

虞安吉者昔與共事常念之今為殿中將軍前過云與足下中表不以年老甚欲與足下為下寮意其資可得小郡足下可思致之耶所念故遠及

又

吾有七兒一女皆同生婚娶以畢惟一小者尚未婚耳過此一婚便得至彼今內外孫有十六人足慰目前足

下情至委曲故具示

已上並十七帖

桓公帖

凡稱某帖者非與此人也帖言其人耳聊以其名類次如桓公仁祖之屬

得都下九日書見桓公當陽去月九日書久當至洛但遲遲可憂耳蔡公遂委篤又加滯下日數十行深可憂慮得仁祖二十六日問疾更委篤深可憂當今人物眇

然而艱疾若此令人短氣

黃云九日帖云蔡公者蔡謨也仁祖者謝尚也晉穆帝永

和十二年秋桓公破姚襄至洛故此云久當至洛是時將以謝尚鎮司州以病止故此云得仁祖二十六日問疾更委篤與陶穀所畜破羌帖事正同跋云晉穆帝永和十二年秋桓溫破姚襄于伊水遂至洛時將以謝尚

鎮之屬病不行所云桓公摧破羗賊及仁祖小差正當時事也是時逸少去會稽內史已歲餘方邀跡山水間宜不復以世務經懷而此書乃歎宣武之威畧悲舊都之始平憂國嗟時志猶不息惜其一憤遠引使才猷約結弗光於世獨區區遺翰見寶後人覽之深為興歎

又

知虞帥云桓公以至洛即摧破羗賊賊重命想必禽之王畧始及舊都使人悲慨深此公威畧實著自當求之於古真可以戰使人歎息知仁祖小差此慰可言適范生書如其語無異故須後問為定今以書示君

又

得謝范六日書為慰桓公威勲當求之古今人歎息此當集姚襄也

又

虞義興適送此桓公摧寇罔不如志今以當平定古人之美不足比蹤使人歎慨無以為喻

又

數得桓公問疾轉佳也每懸胡云征事未有日佳也以

逼勢不知卒云何爾

又

鄙故勿勿飲日三斛小行四升至可憂慮如桓公書旨  
闕其不去恐不能平

又

桓公以江州還臺選每事勝也不可當在誰耳

雲子帖

桓雲字雲  
子溫兄

桓公不得叙情不可居處雲子諸人何似耿耿能數省

否

又

云停雲子代萬頃桓公至今今荀臨淮權領其府懷祖都共事已行

又

義之死罪前得雲子諸人書竝毀頓胡之惟分推難為心當有分西者否義之死罪

又

十四日疏昨信未即取遣適得孔彭祖書得其弟都下  
七日書說雲子暴霍亂亡人理乃當可耳惋惋桓公周  
生之痛豈可為心

安西帖

庾翼字稚恭  
安西將軍

一昨得安西六日書無他無所知說故不復付送讓都  
督表亦復常言耳如兄子書道嵩自必果今復與書督  
之足下勅令至并與遠書也黃云翼鎮荊州以石虎衰  
暴妻表北伐康帝及朝士  
皆遣使譬止孫綽輩亦致書諫之則逸少所見之表殆  
亦論北伐事也翼之此舉朝論弗以為然故逸少以為

常言及聞其遷襄陽乃云雅恭遂進鎮東西齊舉想尅  
定有期也則始雖同羣議而終以為當然翼有志無言  
徒能奮十倍之氣而蔑一統之功此志士所嗟慨者  
知一作大督劉作共誤 又一帖云無所知表亦復常  
耳言

又

義之死罪伏想朝廷清和稚恭遂進鎮東西齊舉想尅  
定有期也義之死罪死罪

又

伏想清和士人皆佳適桓公十月末書為慰云所在荒



甚可憂殷生數問北事勢復云何想安西以至能數面  
不或云頤陽爾耶無緣同為歎遲知問

又

運民不可得而要當得甚慮叛散頃為此足勞人意

又

安復後問不想必停君諸舍疾苦差也便疾綿篤了不  
欲食轉側須人憂懷深小妹亦故進退不孤得散力煩  
不得眠食至少疾患經月兼焦勞不可言迎集中表親

疏畧盡實望投老得盡田里骨肉之歡此一條不謝二  
疏而人理難知此不知小却得遂本心不交衰朽羸劣  
所憂營如此君視是願養之功當有何理今都絕思此  
事也冀疾患差末秋初冬必思與諸君一佳集遣無益  
快共為樂欲以少日補項者之慘戚也追尋前者意事  
豈可復得且當率目前及當此急要願諸君各保愛以  
俟此期末近見君有諸結力聊以當面各間意必欲省  
安西知今意無前却也想君必俱賊勢可之者必進許

浴無可不果相遇于一世豈可度之尋常以此至終故  
當極盡志氣之所托也君此意弘足然決在必行少日一合  
作省戚一作戚  
結下一無力字

又

得征西近書委悉為慰不得安西許有問不知何久長  
風書平安今知殷侯不久留之甚善甚善

庾丹陽帖

庾蘇升平中代  
孔嚴為丹陽尹

知庾丹陽差數深深致心致心

並法書  
要錄

又

適知十五日問清和為慰復得南後問不想二度速王之始與奴長就令人邑邑想無所至耳還具示問

度一作康

陳作庚速一作建王作至至作主

又

昨即得丹陽水上書與足下書同故不送昨諸書付還

又

想大小皆佳丹陽項極佳也云自有書不附此信耳大

小問多惠懸心想二奴母子佳遲卿問也

又

丹陽旦送吾體氣極佳共在卿故處增思詠

又

知比得丹陽書甚慰乖離之歎當復可言尋答其書足  
下反事復行便為索然良不可言此亦分耳遲面具此一作以當一作尚反

作友具作一一

殷侯帖

昨送諸書令示卿想見之恐殷侯必行義望雖宜爾然  
今此集信為未易卿若便西者良不可言

又

昨得殷侯答書今寫示君承無怒意既而意謂速思順  
從或有怨理大小宜盤桓或至嫌也想復深思

此二帖  
似為言

浩北伐事 又一帖意作詔速作  
連怨理大小宜作怨望其不宜

又 孔嚴字彭祖殷浩  
臨揚州請為別駕

得孔彭祖十七日具問為慰云襄經還蠡是反善之誠

也於殷必得速還無復道路之憂比者尚懸悵得其去

月書省之悲慨也

殷浩為中軍將軍北伐時羗帥姚襄降浩使龍驤將軍劉啟守譙遷襄於

梁襄遂反浩還保譙城器械軍儲皆為襄所掠

又

得豫章書為慰想以具問昨得都十七日書賊徑還蠡

臺不攻譙是其反善之誠也想殷生必得過此者猶令

人憂期諸處分猶未定羊叅軍旦夕至也遲一一

即言前書

事

又

殷廢責事便行也令人歎悵無也

此言浩廢  
徙東陽

又

云殷生得快罔大事數謝生書但有藥耳云彥仁或缺  
宣城甚佳情事實宜今有云想深復征許也

又

與殷侯彼此格卿取

又



與殷侯物示當爾不可不卿定之勿疑

又

宰相安和殷生無恙時面兄當宣兄懷

黃云宰相安和帖乃郝愔書宰

相者簡文作相王時殷生者殷浩也然此或是書郝愔帖語耳而結字實近世偽作

彭祖帖

想清和士人皆佳彭祖諸人得足下慰旦夕也此諸賢平安每面粗有歎慨追恨近日不得本善散無已已度足下還期不久耳比者數令知問

袁彭祖帖

袁彭祖何日過江想安穩耳失此諸賢至不可言足下  
分離如何可言

孔建安帖

太保思一散知足下歸乃至孔建安家熱乃爾往還以  
十實非乏所堪若之不復更剋近道惟命是往矣

與郝家論婚書

十一月四日右將軍會稽內史瑯邪王羲之敢致書司

空高平郝公足下上祖舒散騎常侍撫軍將軍會稽內  
史鎮軍儀同三司夫人右將軍劉缺女誕晏之允之允  
之建威將軍錢塘令會稽都尉義興太守南中郎將江  
州刺史衛將軍夫人散騎常侍荀文若女誕希之仲之及  
尊叔廩平南將軍荊州刺史侍中驃騎將軍武陵康侯  
夫人雍州刺史濟陰郝說女誕頤之胡之耆之美之內  
兄胡之侍中丹陽尹西中郎將司州刺史妻常侍譙國  
夏侯女誕茂之承之義之妻太宰高平郝鑒女誕玄之

凝之肅之徽之操之獻之肅之授中書郎驃騎諮議太  
子左率不就徽之黃門郎獻之字子敬少有清譽善隸  
書咄咄逼人仰與公宿舊通家光陰相接承公賢女淑  
質直亮確懿純美敢欲使子敬為門閭之賓故具書祖  
宗職諱可否之言進退惟命義之再拜

張云此是郝家  
論婚書書迹似

夫人

漢魏六朝百三家集卷五十八